

Հ. Ն. ԱԿԻՆՅԱՆ

10.9.1883—28.10.1963

Երկարատև ու ծանր հիվանդությունից հետո, 80 տարեկան հասակում Վիեննայում վախճանվեց սփյուռքահայ բանասիրության նահապետն ու հայագիտության սյուներից մեկը՝ Հ. Ն. Ակինյանը:

Հ. Ն. Ակինյանը ծնվել է 1883 թ. Արդուինում (Վրացական ՍՍՐ) և 1895 թ. անցնելով Վիեննայի Մխիթարյան վարժարանը, հետագայի փիլիսոփայության, աստվածաբանության, բանասիրության, հին ու նոր լեզուների և այլ գիտությունների մեջ, նա դեռ շատ փոքր հասակից իր վրա էր գրավել մեծանուն գիտնական Հ. Ա. Այսերմանի ուղադրությունը: Ակինյանը բանասիրության մեջ թրծվում է ժամանակի հայ նշանավոր գիտնականների, և օտարազգի հայտնի հայագետների ուսումնասիրություններով:

Դեռևս 1903 թ. սկսվում է նրա աշխատակցությունը «Հանդէս ամսօրեայ» պարբերականին, իսկ 1909 թ. դառնում է նրա խմբագիրը և վարում այդ պաշտոնը շուրջ կես դար:

Ակինյանը զբաղվել է նաև մանկավարժության, իր բազմաթիվ զեկուցումներով նա ծանոթացրել է հայ մշակույթի գանձերը սկզբած Վիեննայից մինչև Բեյրութ, Բուդապեշտից մինչև Երուսաղեմ: Անուրանալի դեր է կատարել Վիեննայի Մխիթարյան մատենադարանի և գրադարանի ճոխացման գործում:

Հ. Ն. Ակինյանը մեծ դիրքի արժանացավ իր կատարած պատմա-բանասիրական անխնայ աշխատանքներով, դառնալով ժամանակակից հայագիտության խոշոր մշակներից մեկը: Նա անխնայ աշխատանք կատարեց հայ ձեռագրագիտության բնագավառում: Ակինյանը հնարավորություն ստացավ լինելու Սովետական Հայաստանում և 1924—1928 թթ. որոնումներ կատարելու աշխարհում ամենահարուստ ձեռագրական գանձարանում: Օրական 12—16 ժամ աշխատելով, նա կարողացավ շուրջ 5000 հայերեն գրչագրեր աչքի անցկացնել և ուսումնասիրել՝ էլմիածնում, Երևանում, Մոսկվայում և առանձին անձանց մոտ: Հետագայում վերհիշելով Սովետական Հայաստանի կառավա-

րության կողմից իրեն ընձեռված հնարավորությունների մասին, Ակինյանը գրել է. «Լուսժողովմանի այս բարյացակամ և ազնվական վերաբերմունքը, զոր ես վայելեցի այնքան առատորեն Հայաստան անցուցած շորս տարիներու մեջ, հավետ երախտապարտ պիտի թողուն զիս հանդեպ Պորհրդային Հայաստանի կառավարությանը: Նա ոչ միայն աննախանձաբար բացավ իմ առջև Ձեռագրատունները և բարձր գնահատեց գրական պրպտումներս, այլև նպաստամատույց և քաջալեր եղավ ինձ բարոյապես և նյութապես ամեն դժվարություններու մեջ» (աՀ. Ամսօրյա, 1929, էջ 196):

Ձեռագրերի ուսումնասիրություններն Ակինյանն այնուհետև շարունակեց Բեռլինում, Մյունխենում, Տյուբինգենում, Փարիզում, Լեհաստանում, Հոլմում և Լիվոնոյում: Սկսած 1939 թ. մինչև համաշխարհային պատերազմի ավարտը՝ նա պրպտում է Մերձավոր արևելքի հայերեն ձեռագրերը, ձեռագրաց ցուցակներն ու հնատիպ գրականությունը: Լինում է Երուսաղեմում և Զմեառում, ուր ցուցակագրում է ձեռագրերը, ուսումնասիրում Հայկապի գրչագիրները, ապա անցնում Կիպրոս, Գահիրե, Բեյրութ, և ցուցակագրում նաև այդ վայրերի ձեռագրերը: Ահա այսպես ստեղծվեցին Ակինյանի «Հաւաքումն յիշատակարանաց» մեծ ժողովածուն և ձեռագրաց ցուցակների շատ հարուստ հավաքածուն: Այս բոլորը ներհուն բանասերի համար անսպառ մի գանձարան հանդիսացավ իր ստեղծագործական բեղմնավոր կյանքում:

Հ. Ակինյանը 60 տարի ծառայելով հայագիտությանը, իր համառ ու տրնաջան աշխատանքի շնորհիվ գրեց 500-ից ավելի գիտական աշխատություններ, որից 50-ը ծավալուն մենագրություններ են:

Նա հմտությամբ զբաղվել է հայագիտության համարյա բոլոր բնագավառներով և ժամանակաշրջաններով, հեղինակ է պատմական, բանասիրական, մատենագիտական, միջնադարյան հայ գրականության, հայրախոսական, վարքաբանական, ձեռագրագիտական, լեզվաբանական, արվեստի, հայ իրավունքի, քաղա-

մանական, հայ գաղութների պատմության և հայագիտության հետ առնչվող բազմատեսակ գործերի, նրա գրչին են պատկանում նաև ավելի քան հարյուր գրախոսություններ, որոնք ինքնին ուսումնասիրություններ են, նրա գիտական շատ գործերում լույս աշխարհ են գալիս բազմաթիվ հեղինակներ, անծանոթ մնացած բնագրեր, հայ արվեստի գործերներ:

Նրա երկար պրպտումների արդյունք հանգիստացող քննադատին հայտնաբերություններից են. Հովհան Օձնեցու մի նոր գրվածքը, Հովհան Ոսկերեքանի Սաղմոսի մեկնության հայերեն մի նոր թարգմանությունը ասորերեն կրկնագիր մի ձևագրում, Եփրեմի Գործք առաքելոցի մեկնության հայերեն թարգմանությունը և նույն հեղինակի կցուրդները, Քեովնի, Դիոնիսիոս Աղեքսանդրացու, Մակար Բ. Երուսաղեմացու գործերը և այլն: Լվովում նրա հայտնաբերած ու հրատարակած՝ Միմիոն Լեհացու ուղեգրությունը հավաստի կարևոր տեղեկություններ է բովանդակում մի շարք հայ գաղութների պատմության համար: Գիտական կարևոր նշանակություն ունեն Ակիսյանի մատենագրական և միջնադարյան հայ բանաստեղծների գործերին նվիրված ուսումնասիրությունները: Այս առումով առաջին հերթին աչքի են ընկնում նրա «Մատենագրական հետազոտություններ» խորագրով 5 սովոր հատորները, ուր ամփոփված են մինչ այժմ միայն անշունչորով հայտնի բազմաթիվ հայ մատենագիրների կենսագրությունների լուսաբանումն ու նրանց գործերի հրատարակումը՝ բազմաթիվ ձևաչափերի համամատյայնում: Կարևոր գործերի թվին են պատկանում նաև նրա «Զաքարիա եպիսկոպոսն Գնունեանց եւ իւր տաղերը», «Ենքսէս Լամբրոնացի, կենսագրութիւնն ու գրական վաստակը», «Գրիգոր Աղթամարցի և իր տաղերը, բնագիր և քննութիւն», «Հինգ պանդուխտ տաղասացներ» և շատ ուրիշները:

Ակիսյանի պատմագիտական գործերից են «Երազանագիրք կաթողիկոսաց Աղթամարայ: պատմական ուսումնասիրութիւն», «Կիրոն կաթողիկոս վրաց. պատմութիւն հայ

վրացական յարաբերութիւններ», «Բաղէշի դպրոցը (1500—1704)», նպաստ մը հայոց եկեղեցւոյ պատմութեան և մատենագրութեան», «Ականց կամ Ակների վանքը» և այլ բազմաթիվ գործեր: Ակիսյանի պատմաքննական մի քանի այլ աշխատություններ, որոնք նվիրված են պատմահայր Մովսէս Խորենացու, Վարդանանց հերոսամարտի պատմիչ Եղիշի և այլոց գործերին, տեղիք են տվել մասնագետների միջև երկար վիճաբանությունների, քանի որ Ակիսյանը փորձել էր խախտել իրենց տեղից այդ նշանավոր պատմիչներին, առանց սակայն վճռական կովաններ ունենալու:

Ակիսյանի գլուխ-գործոցն էր լինելու հայ մատենագրության պատմությունը՝ սկսած Ե. դարից մինչև 1800 թ. և, որի վրա նա աշխատում էր շուրջ կես դար: Այդ գործը բաղկացած էր լինելու երեք հատորներից: Նրա անտիպ գործերից են նաև Պատմություն հայ թարգմանության օտարալեզու բնագրերի (408—1800), Գր. Գալեմբյարյանի հետ կազմած հայերեն հնատիպ գրականության 300 տարիներին (1512—1812) նվիրված գործը, ինչպես նաև Ղրիմի հայ գաղթականության ժամանակագրությունը (1300—1700), Գավազանագիրք հայ կաթողիկոսների 220 թ. մինչև մեր օրերը պատմական և ժամանակագրական ուսումնասիրությունը և բազմաթիվ բնագրագիտական գործեր:

Հ. Ակիսյանը հակառակ իր պատկանելի վաստակին գտնում էր, որ իր արած գործը լոկ սկիզբն է: Չնայած իր տարիքին և հիվանդությանը, նա մեծ սիրով ու համակրությամբ էր հետևում ՀՍՍՌ գիտությունների ակադեմիայի ու Մաշտոցի անվան մատենադարանի կողմից հրատարակված հայագիտական աշխատություններին:

Հ. Ն. Ակիսյանի գիտական ժառանգության լավագույն մասը միշտ կհիշվի և կուսումնասիրվի, իր արժանի տեղը կգրավի հայ մշակույթի երախտավորների գործերի շարժում:

Ս. Փոլանջյան

ՎԼԱԴ ԲԸՆԸՑԵԱՆՈՒ

22.8.1900—8.11.1963

Բուխարեստում վախճանվեց առմիտացի մեծանուն գիտնական, արևելագետ և նշանավոր հայագետ պրոֆ. դոկտ. Վլադ. Բընըցեանուն: Նա ծնվել է Ռումինիայի Տիմիշուարա քաղաքում

և ավարտել Զերնովեցի համալսարանը, ապա իր մասնագիտական ուսումը շարունակել է Զրախիաշում, Անգլիայում և Իտալիայում (1924—1932), հմտացել է բազմաթիվ հին ու